

香雪亭新編耆英會記

蘇州府志



香雪亭新編
耆英會記

古本戲曲叢刊五集

據綏中吳氏藏清康熙
來鶴堂刊光緒遞修本
景印原書版匡高一八
三毫米寬一三五毫米

香齋

會記

辛未冬邑
人朱孫輝
題高氏來
鶴堂威板

香雪亭新編耆英會記卷上

畫川逸叟 撰

第一齣

標目

西江月副末池水鱗鱗弄碧林花艷艷拖朱先生
把此當蓬壺不倩黃梁再煮洗耳人間榮辱關
心几上琴書古人亦有似吾徒濡墨伸毫細譜漢
宮春宋朝賢相首推司馬萬古高名因爭新法不
合遂辭歸洛下修通鑑會結耆英流民苦繪圖鄭
俠去國一身輕更有眉山蘇老算文章氣節一
代崢嶸感朝雲不去傳詩句畱得芳聲相司馬奸

邪竄逐萬口賀昇平。那來者司馬溫公是也。

第二齣

憂時

瑞鶴仙。生十載鵷行侶。忝承明珥筆。絲綸裁罷。從容出左掖。正花磚日逗。鸞坡香惹。佳時有願。須遐邇。僉依廣廈。且竭心幹濟。回天果否。齒牙休挂。集唐。自憐淡院得廻翔。年紀蹉跎四十強。宴樂已淡魚藻詠。朝朝染翰侍君王。下官翰林學士司馬光是也。占籍陝州。歷官諫院。直言屢奏。不避牽裾。石畫頻抒。敢誇補袞。學窺七畧。不喜駢四儷。六之文職典。二麻無非咸。五登二之論。久際尚賢之主。魚

水相同。近逢言利之臣。薰蕕不免。可惜韓稚圭公。忠直亮早已乞身。最憂王介甫執拘偏迂。忽焉當國。博聞強辨。於書無所不窺。實行虛名。所事全然未曉。青苗水利。以周禮爲言利之書。保馬方田。指漢法非治世之具。議論則夔龍未堪。前輩科條。則桑孔乃其後身。非甘自處小人。但小人工於逢迎。必致墮其坑塹。未必遂仇君子。但君子動輒牴牾。勢且立見摧排。可惜昇平世界。多此一番紛擾也。江兒水累葉昇平遠。多方浚削加違。時誰肯說瘡痍話。遍村墟。硬把青苗借。只爲讀書悞看了唐虞。

化說藝祖仁宗可跨便是垂誠蒼蒼也道不須驚
怕下朝身子困倦不免到書齋歇息片時正是世
事浮雲何足問不如高臥且加餐小生僕隨上
前腔劍閣鄉山迥龍池主眷奢封章屢把奸邪罵
笑廷臣有口都如啞恨殺那豎儒學術商鞅亞澤
雁哀鴻盈野幽憤填膺且覓良朋夜話下官監官
告院兼判尚書祠部蘇軾是也王安石變更祖制
擾害天下下官義憤勃勃乘此薄暮不免到司馬
君實處議論一番稍吐不平之氣此間是了左右
通報雜門上有人麼院那個雜蘇老爺拜訪院老

命有請。生上。雜蘇老爺拜。生道有請。相見。揖坐。介。生。國事。日非。隱憂。方大。先生。心存。報國。性本。嫉邪。今日。光臨。何以。教我。小生。先生。職居。禁近。既主。上所。知。志在。匡扶。尤中。外所。恃。今日。之事。全仗。主持。學生。也不敢。默默。

王交枝。邪人。用也。誤。楓宸。新法。堪嘆。雖。近日。富鄭公。同平。章事。勸。皇上。二十年。勿談。兵事。與。安石。議論。不合。恐。亦不肯。久安。其位。長嘆。介罷。談兵。奠安區。夏。老成。片語。良佳。還。愁荏苒。就。烟霞。清流。豈。是栖栖。者。若要。國泰。民安。呵。合。除非。是天。祚。宋家。除。

非是天祚宋家。生蒼頭取酒一壺來。我與蘇老爺
夜話。送酒坐介。

前腔。生剪燈淺話。漏沉沉。林木啼鴉。眼前士夫。誰
似子瞻也。嶽崎磊落多瀟灑。赤心此外無他。鄭監
門與安石最厚。此時也說新法。不是偏那韓絳會
布窺瞰。聖意要結安石固寵。呂惠卿奸回小人。希
圖進用。黨附安石。總因患得患失一念。上不顧國
家。下不顧百姓。連自己名節也不顧了。真是無所
不至。鄙夫不可與事君也。鬚眉倏忽粉胭。搽公然
不把千秋怕。若要這班小人不能得志呵。合除非

是天祚宋家。除非是天祚宋家。雜稟老爺衙門傳知。交趾國來進獅子。有旨朝賀。小生呀。此亦有傷國體。待學生上疏諫止。何如。生先生前日諫阻買燈。皇上勉強聽從。此等細事。不宜瀆奏。小弟職司翰墨。待我艸一篇異域獻奇獸賦。寓諫於諷可也。小生也說得是。夜深了。告別罷。

尾聲生逢君剪韭烹葵話。小生若要枉席蒼生百萬家。只待公把握朝權綸閣下。

集唐

生門前修刺孔融來。生小直取流鶯送酒盃。聞道甘泉能獻賦。生九成初日照蓬萊。

第三齣 獅舞

雜扮交趾使臣紗帽青素上雨露天朝徧車書外國同葵傾知向日艸偃合占風俺交趾國使臣是也只因皇宋受命川嶽效靈太祖太宗仁溪澤普真仁繼體累洽重熙休道侯甸要荒民物安阜便是雕題鑿齒之國黃支紫舌之鄉莫不納賁傾誠望風受吏况我交趾一隅壤接粵西文物衣冠中華髮髯當今熙寧皇帝卽位四載俺奉國命貢獻後稅重譯而來道途好不遠也

中呂粉蝶兒雲樹蒼蒼越五嶺渡了三湘沒埂岸

的洞庭湖汪洋誰讓也只爲繼體明君奉車書修
玉帛因此上占風破浪喜望見了長安到來朝金
階稽顙前面已到京城了叫獅蠻們引獅子來演
習一番以便入朝跳舞雜獅蠻引獅子上舞跳介
沽美酒這狻猊百獸王這狻猊百獸王看跳舞猛
非常虎豹熊羆那可當康居曾獻唐星眸電掣爪
牙張哮呼時江河震蕩真乃是毛羣之長俺呵驛
路上山長水長郵亭畔長楊短楊呀只要待丹墀
下覲龍顏心兒纔放

第四齣

慈誠

西地錦

旦扮宣仁太后二宮女執扇二宮女捧香

執拂上

長信樹盈佳氣香飄翡翠簾疎

集唐和風

助律應韶年朱樹瓊枝近碧天。日色纔臨仙掌動。
旌旗遙拂雁行偏。老身高氏英宗皇帝之后。當今
皇帝之母。家本著姓。爵久勦於元功。族鮮濫封。恩
弗私於戚畹。且喜天心開泰。風雨時而稼穡頻登。
更兼帝德承乾。賞罰明而烽烟盡息。璿宮晝靜。鬱
淑氣於重欒。鶴禁晨趨。聞屬車於複道。道猶未了。
聖駕來也。

小生扮神宗皇帝一中使隨上春闌細艸承仙輅。

華清漏響銅烏寡人大宋熙寧皇帝是也。魚鑰初傳。龍樓漸曉。理合向太后宮中問安。不免徑入。入見舞路拜介。旦坐了。聞交趾國來獻獅子。今日百官稱賀。爲何罷朝恁早。上因翰林學士司馬光奏一篇異域獻奇獸賦。寓諫於諷。所以免賀。旦他賦內如何說。上

啄木兒。他道開基久。踐阼初。五嶺三苗皆率土。御風雷。萬象璣衡奠山川。一統車書。但求環堵耕桑聚。何勞效鰲毛羣貍。因此上賦獻甘泉當諫疏。旦司馬光真宰相才也。

前腔真良佐。乃大儒。染翰宣麻在直廬。算茅簷不
少哀鴻。這苑囿焉用騶虞。官家若要皇圖固。江山
須把忠良付。只是一件。這忠良却易退難進也。須
知道落落孤踪。結納疎。聞得你用王安石。終日言
利。什麼意思。上跪介。告稟母后。旦扯起介。上孩兒
不才。受祖宗付託之重。燕雲十六州。未能尅復。今
欲富國強兵。以張撻伐。惟安石意見。與孩兒相同。
因此用他。母后不知。那王安石呵。

三段子。興朝巨儒。論窮經。今無古。無聖人之徒。遍
廷臣才疎學疎。治平須仗斯人助。科條幸有名流。